



Iesus enuoye ses Disciples pour Euangelifer sa parole ; & est interrogé des Disciples de saint Iean, s'il est le Christ.

PRES que Iesus-Christ eut donné puissance à ses Apostres de ietter les malins esprits hors des corps, & de guarir toute sorte de langueur, il leur dist, N'allez point vers les Gentils, & n'entrez point és villes des Samaritains : mais plustost preschez aux Israélites, que le Royaume des Cieux approche. Guarissez les malades, nettoyez les ladres, ressuscitez les morts, iettez les Diables hors des corps; vous l'avez receu gratuitement, aussi vsez-en gratuitement. Les Disciples donc suiuan ces Commandemens, preschoient qu'on s'amendast, & alloient par les bourgades Euangelifans la parole de Dieu, & guarifans toutes sortes de maladies. Ainsi Iesus partit pour aller prescher. Or Iean qui estoit lors prisonnier, ayant ouy parler des œuures que faisoit Iesus, enuoya deux de ses Disciples sçauoir de luy s'il estoit le Christ, qui deuoit venir, ou s'il falloit en attendre vn autre, mais Iesus ayant guaruy plusieurs de diuerses maladies en leur presence, leur dist : Allez dire à Iean ce que voyez, que les Aueugles voyent, les Ladres sont nettoyez, les Morts ressuscitez, & les Paures reçoient l'Euangile : Bienheureux quiconque n'est point offensé ne scandalisé en moy.

S. Matthieu Chap. 10. & 11. S. Marc Chap. 6. S. Luc Chap. 9.